

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-62-14/21
Banja Luka, 9.9.2021. godine

Na osnovu člana 61. stav 2. Zakona o upravi („Službeni glasnik Bosne i Hercegovine“, broj 32/02 i 102/09) i člana 132. Zakona o upravnom postupku („Službeni glasnik Bosne i Hercegovine“, br. 29/02, 12/04, 88/07, 93/09 i 41/13), a u vezi sa članom 49. alineja 8) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine br. 59/07 i 59/09), na prijedlog Komisije za ocjenu usklađenosti rješenja o akreditaciji **Internacionalnog univerziteta u Goraždu**, direktor Agencije za razvoj visokog obrazovanja i osiguranje kvaliteta BiH *donosi:*

R J E Š E N J E

U Državni registar akreditovanih visokoškolskih ustanova u Bosni i Hercegovini, izvršit će se upis visokoškolske ustanove **Internacionalni univerzitet u Goraždu**.

Period važenja uslovne akreditacije (odnosno pisma očekivanja) Internacionalnog univerziteta u Goraždu je dvije godine.

Upis će se izvršiti u skladu sa Rješenjem o uslovnoj akreditaciji visokoškolske ustanove Internacionalni univerzitet u Goraždu, broj: 10-34-212-6/21 od 7.09.2021. godine navedenim u obrazloženju ovog rješenja, u Knjigu 1 Državnog registra. U skladu sa navedenim rješenjem o uslovnoj akreditaciji nadležne obrazovne vlasti, **uslovna akreditacija (odnosno pismo očekivanja) visokoškolske ustanove Internacionalni univerzitet u Goraždu važi do 7.9.2023. godine.**

Za izvršenje ovog Rješenja zadužuje se ovlaštena osoba za vođenje Državnog registra akreditovanih visokoškolskih ustanova u BiH, u skladu sa aktom br: 06-07-6-298-1/21 od 13.07.2021. godine..

O b r a z l o ž e n j e

Komisija za ocjenjivanje usklađenosti rješenja o akreditaciji, imenovana Rješenjem broj: 05-33-1-62-12/21 od 8.09.2021. godine je Zapisnikom broj: 05-33-1-62-13/21 od 9.09.2021. godine, a na osnovu Instrukcije o načinu ocjenjivanja usklađenosti rješenja o akreditaciji sa minimalnim standardima iz područja visokog obrazovanja i kriterijimima za akreditaciju visokoškolskih ustanova u Bosni i Hercegovini, broj: 06-02-1-766/11, od 04.11.2011. godine, izvršila ocjenjivanje usklađenosti Rješenje o uslovnoj akreditaciji visokoškolske ustanove Internacionalni univerzitet u Goraždu, broj: 10-34-212-6/21 od 7.09.2021., Preporukom Agencije za razvoj visokog obrazovanja i osiguranje kvaliteta Bosne i Hercegovine broj:05-33-

www.heg.gov.ba, e-mail:info@heg.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

1-32-10/21 od 2.09.2021. godine i Izvještajem o eksternoj evaluaciji visokoškolske ustanove Internacionalni univerzitet u Goraždu sačinjen od strane Komisije domaćih i međunarodnih stručnjaka koji daju ocjenu i obavljaju reviziju kvaliteta imenovana Rješenjem, broj 05-33-1-62-5/21 od dana 07.06.2021 godine sa Odlukom o normama kojima se određuju minimalni standardi u oblasti visokog obrazovanja u Bosni i Hercegovini („Službeni glasnik Bosne i Hercegovine“, broj: 100/11, 29/19) i Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 96/16), te dala prijedlog direktoru da se izvrši upis visokoškolske ustanove Internacionalni univerzitet u Goraždu u Državni registar akreditovanih visokoškolskih ustanova u Bosni i Hercegovini.


Komisije domaćih i međunarodnih stručnjaka koji daju ocjenu i obavljaju reviziju kvaliteta imenovana Rješenjem, broj 05-33-1-62-5/21 od dana 07.06.2021 godine u Izvještaju o eksternoj evaluaciji visokoškolske ustanove Internacionalni univerzitet u Goraždu je ocijenila djelimičnu dostignutost standarda i ispunjenost kriterija za akreditaciju visokoškolskih ustanova propisanih Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj 96/16) i dala preporuku da se visokoškolskoj ustanovi Internacionalni univerzitet u Goraždu izda rješenje o uslovnoj akreditaciji (odnosno pismo očekivanja), kojim se nalaže visokoškolskoj ustanovi da u periodu od jedne do najduže dvije godine implementira preporuke iz Izvještaja o eksternoj evaluaciji za one kriterije koje je Komisija stručnjaka ocijenila kao djelimično ispunjene (politika osiguranja kvaliteta, nastavno osoblje i informisanje javnosti). Visokoškolska ustanova je dužna do isteka navedenog roka da izradi izvještaj o implementaciji preporuka za navedene kriterije te isti dostavi Ministarstvu za obrazovanje, mlade, nauku, kulturu i sport Bosansko-podrinjskog kantona Goražde uz zahtjev za ponovnu posjetu Komisije domaćih i međunarodnih stručnjaka koji daju ocjenu i obavljaju reviziju kvaliteta.

Cijeneći prijedlog Komisije osnovanim, a na osnovu člana 7. Pravilnika o vođenju državnog registra akreditovanih visokoškolskih ustanova u Bosni i Hercegovini („Službeni glasnik BiH“, broj: 91/11), odlučeno je kao u dispozitivu ovog Rješenja.

Pouka o pravnom lijeku: Protiv ovog rješenja može se izjaviti prigovor direktoru Agencije u roku od osam dana od dana prijema rješenja.

Prilog:

- Rješenje o uslovnoj akreditaciji visokoškolske ustanove Internacionalni univerzitet u Goraždu broj: 10-34-212-6/21 od 7.09.2021.



Dostaviti:

- Sektor 05
- Ovlaštena osoba za vođenje Državnog registra akreditovanih visokoškolskih ustanova u BiH
- a/a

PRIMLJENO U KANTONU 07.09.21			
05	33-1	62-11/21	

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, MLADE,
NAUKU, KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, YOUTH,
SCIENCE, CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИНСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, МЛАДЕ,
НАУКУ, КУЛТУРУ И СПОРТ

Broj: 10-34-212-6/21
Goražde, 07.09.2021. godine

Na osnovu člana 31. Zakona o visokom obrazovanju ("Službene novine Bosansko-podrinjskog kantona Goražde", br. 2/10, 12/14 i 10/17) i člana 15. Pravilnika o akreditaciji visokoškolskih ustanova i studijskih programa ("Službene novine Bosansko-podrinjskog kantona Goražde", broj: 4/2(1)), u postupku rješavanja po zahtjevu Internacionalnog univerziteta u Goraždu, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde, donosi:

RJEŠENJE

O USLOVNOJ AKREDITACIJI VISOKOŠKOLSKE USTANOVE INTERNACIONALNI UNIVERZITET U GORAŽDU

1. Uslovno se akredituje visokoškolska ustanova Internacionalni univerzitet u Goraždu.
2. Internacionalni univerzitet u Goraždu je ovlašten da dodjeljuje akademske stepene i diplome koji se stiču izvođenjem studijskih programa na ovoj ustanovi.
3. Rješenje o uslovnoj akreditaciji se izdaje na period od dvije godine.
4. Obavezuje se Internacionalni univerzitet u Goraždu da u skladu sa Izvještajem o eksternoj evaluaciji visokoškolske ustanove Internacionalni univerzitet u Goraždu sačinjenim od strane Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji imenovane Rješenjem Agencije za razvoj visokog obrazovanja i osiguranja kvaliteta Bosne i Hercegovine broj: 05-33-1-62-5/21 od 07.06.2021 godine te Preporukom Agencije za razvoj visokog obrazovanja i osiguranja kvaliteta Bosne i Hercegovine broj: 05-33-1-32-10/21 od 2.09.2021 godine:
 - a) unaprijedi segment koji se odnosi na politiku osiguranja kvaliteta,
 - b) unaprijedi segment koji se odnosi na nastavno osoblje,
 - c) unaprijedi segment koji se odnosi na informisanje javnosti.
5. Obavezuje se Internacionalni univerzitet u Goraždu da do isteka roka iz tačke 3. ovog Rješenja izradi izvještaj o implementaciji preporuka za navedene kriterije te isti dostavi Ministarstvu za obrazovanje, mlade, nauku, kulturu i sport Bosansko-podrinjskog kantona Goražde uz zahtjev za ponovnu posjetu Komisije stručnjaka.
6. Rok iz tačke 3. ovog Rješenja teče od dana pravosnažnosti rješenja.
7. Rješenje stupa na snagu danom donošenja.

Obrazloženje

Ministarstvu za obrazovanje, mlade, nauku, kulturu i sport Bosansko – podrinjskog kantona Goražde (u daljem tekstu Ministarstvo) zaprimilo je od strane Internacionalnog univerziteta u Goraždu zahtjev za institucionalnu akreditaciju broj: 08-379-17/20 od 07.08.2020. godine i broj: 08-381-01/21 od 25.01.2021. godine. Kao prilog zahtjevu je dostavljen i samoevaluacijski izveštaj u printanoj i elektronskoj formi.

U skladu sa članom 13. Pravilnika o akreditaciji visokoškolskih ustanova i studijskih programa („Službene novine Bosansko – podrinjskog kantona Goražde” broj:4/20), Ministarstvo je aktom broj: 10-34-212-1/21 od 02.02.2021 godine dostavilo Agenciji za razvoj visokog obrazovanja i osiguranja kvaliteta/kvalitete BiH (u daljem tekstu Agencija) Zahtjev za provođenje institucionalne akreditacije na Internacionalnom univerzitetu u Goraždu, broj: 08-381-01/21 od 25.01.2021. godine i broj: 08-381-01/21 od 25.01.2021. godine, a čiji prilog je bio samoevaluacijski izvještaj u printanoj i elektronskoj formi. Nadalje, u pogledu prijedloga Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove, Ministarstvo je dalo saglasnost Agenciji da u Komisiju stručnjaka imenuje članove po svom izboru sa liste stručnjaka koji su prošli Program treninga stručnjaka a koju provodi Agencija.

Agencija je dana 16.02.2021 godine dopisom broj: 05-33-1-62-2/21 od Ministarstva tražila postupanje u skladu sa Okvirnim zakonom o visokom obrazovanju u smislu dostavljanja prijedloga za imenovanje članova komisije stručnjaka, podsjećajući na minimalnu zastupljenost stručnjaka po kategorijama kako je to propisano Odlukom o normama kojima se određuje minimalni standardi u području visokog obrazovanja u Bosni i Hercegovini (Službeni glasnik BiH, broj:100/11 i 26/19). Istim dopisom Ministarstvo je obaviješteno da samoevaluacijski izvještaj visokoškolske ustanove nije izrađen u skladu sa važećim dokumentima Agencije, te je zatraženo i dostavljanje samoevaluacijskog izvještaja visokoškolske ustanove izrađen u skladu sa Odlukom o kriterijima za akreditaciju visokoškolskih ustanova u Bosni i Hercegovini (Službeni glasnik BiH, br.96/16). Postupajući po obavještenju Agencije, Ministarstvo je zatražilo od Internacionalnog univerziteta u Goraždu da otkloni nedostatke koji su navedeni od strane Agencije, te ponovno dostavi traženu dokumentaciju. Internacionalni univerzitet u Goraždu izvršio je korekcije te aktom broj:08-386/21 od 09.04.2021. dostavio dokumentaciju neophodnu za nastavak postupka akreditacije.

Aktom broj:10-34-212-3/21 od 13.04.2021 godine Ministarstvo je dostavilo Agenciji Zahtjev sa samoevaluacijskim izvještajem u printanoj i elektronskoj formi, te prijedlogom članova komisije stručnjaka u skladu sa Odlukom o normama kojima se određuje minimalni standardi u području visokog obrazovanja u Bosni i Hercegovini (Službeni glasnik BiH, broj:100/11 i 26/19).U skladu sa naprijed navedenim Agencija je Rješenjem broj:05-33-1-62-5/21 od 07.06.2021 godine imenovala Komisiju domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet u Goraždu.

Komisija stručnjaka u period od 13. do 14.07.2021. godine izvršila je posjetu Internacionalnom univerzitetu u Goraždu te je dana 13.08.2021 godine dostavila Agenciji Izvještaj o eksternoj evaluaciji visokoškolske ustanove Internacionalni univerzitet u Goraždu,

u kojem je ocjenjena ispunjenost deset kriterija za akreditaciju opisnim ocijenama kako slijedi:

- a) politika osiguranja kvaliteta: djelimično ispunjen
- b) Izrada i odobravanje programa: znatno ispunjen
- c) Učenje, podučavanje i vrednovanje usmjereno na studenta: znatno ispunjen
- d) Upis i napredovanje studenata, priznavanje i certificiranje: znatno ispunjen
- e) Nastavno osoblje: djelimično ispunjen
- f) Resursi za učenje i podrška studentima: znatno ispunjen
- g) Upravljanje informacijama: znatno ispunjen
- h) Informisanje javnosti djelimično ispunjen
- i) Kontinuirano praćenje i periodična revizija programa: znatno ispunjen
- j) Periodično vanjsko osiguranje kvaliteta: znatno ispunjen

Na osnovi ocjena ispunjenosti deset kriterija za akreditaciju, Komisija je utvrdila mišljenje da je djelovanje Internacionalnog Univerziteta u Goraždu dijelom usklađeno s Kriterijima za akreditaciju visokoškolskih ustanova u Bosni i Hercegovini, te preporučila Agenciji za razvoj visokog obrazovanja i osiguranje kvalitete Bosne i Hercegovine izdavanje Preporuke za uslovnu akreditaciju Internacionalnog univerziteta u Goraždu, te resornom Ministarstvu izdavanje Rješenja o akreditaciji u skladu s tom preporukom.


Dana 27.08.2021 godine Ministarstvo je zaprimilo akt Agencije broj:05-33-1-62-8/21 od 24.08.2021 godine a koji se odnosi na davanje Preporuke nadležnoj obrazovnoj vlasti da izda Pismo očekivanja za Internacionalni univerzitet u Goraždu. Obzirom da na osnovu dostavljene Preporuke Ministarstvo nije moglo da donese Rješenje u skladu sa Pravilnikom o akreditaciji visokoškolskih ustanova i studijskih programa („Službene novine Bosansko – podrinjskog kantona Goražde” broj:4/20), zatražilo je dana 30.08.2021 godine pojašnjenje predmetne Preporuke od strane Agencije, a što je rezultiralo da je Agencija dostavila novu Preporuku Ministarstvu da izda rješenje o uslovnoj akreditaciji visokoškolskoj ustanovi Internacionalni univerzitet u Goraždu broj:05-33-1-32-10/21 od 2.09.2021 godine, a kojom je stavljena van snage Preporuka broj:05-33-1-62-8/21 od 24.08.2021 godine.

Na osnovu naprijed navedenog, Ministarstvo je cijenilo da su ispunjeni svi propisani uslovi za izdavanje uslovne akreditacije podnosiocu zahtjeva, te je donijelo odluku kao u dispozitivu.

PRAVNA POUKA: Protiv ovog Rješenja može se izjaviti žalba u roku od 15 dana od dana prijema rješenja. Žalba se izjavljuje Agenciji za razvoj visokog obrazovanja i osiguranja kvaliteta Bosne i Hercegovine, a podnosi se putem Ministarstva za obrazovanje, mlade, nauku, kulturu i sport Bosansko – podrinjskog kantona Goražde.

DOSTAVLJENO:

1. 1x Internacionalni univerzitet u Goraždu,
2. 1x Agencija za razvoj visokog obrazovanja i osiguranja kvaliteta Bosne i Hercegovine,
- ③ 1x Evidencija i
4. 1x z/a



MINISTAR

Elvira Begović